



BILTEN

MEDŽLISA ISLAMSKE ZAJEDNICE ZAGREB



HUTBA O NEKIM NOVOTARIJAMA U NAŠEM DŽEMATU

Ime je staro koliko i ljudski rod. Prvi čovjek i Božji poslanik Adem a.s već je, od postanka, imao svoje vlastito ime. Nije čudo da ime datira od početka čovjekova života na Zemlji, jer ono predstavlja znak kojim je ljudska osoba obilježena i po kojoj se raspoznaje. Ništa toliko kao ime ne potvrđuje ljudsku ličnost i osobnost. Teško je i zamisliti međusobnu komunikaciju i život ljudi bez imena jer je ono usko vezano za čovjeka, njegov život i postojanje. Koliko su imena značajna pokazuju i kur'anski primjeri. Jahjau a.s.- sinu Zekerijaha a.s., direktno Allah dž.š., određuje ime: «*O Zekerijja, javljamo ti radosnu vijest da će ti se dječak roditi, ime će mu Jahja biti, nikome prije njega to ime nismo htjeli dati*». (Merjem, 7).

Pod imenom Ahmed, naviještali su dolazak i misiju Muhammeda a.s., svi raniji vjerovjesnici, što se konkretno posvjedočuje kroz usta Isa a.s. u Kur'anu: «*A kada Isa, sin Merjemin, reče: «O sinovi Israilovi, ja sam vam Allahov poslanik da vam potvrdim prije mene objavljeni Tevrat i da vam donesem radosnu vijest o poslaniku čije je ime Ahmed, koji će poslije mene doći*»(Es-Saf, 6) Dakle, univerzalno ime Muhammeda a.s. pod kojim su ga navještavali i obećavali svi raniji vjerovjesnici, jeste Ahmed, hvaljeni, časni, plemeniti, a njegovo egzistencijalno ime, koje mu daje djed Abdul-Mutalib, jeste Muhammed sa potpuno istim značenjem kao i Ahmed. Čovjekovo je ime, njegov vanjski identitet, vanjska osobna karta, ukras i oznaka, kao što je Kelimei-šehadet unutrašnja. Kelimei-šehadet i ime, čine jedinstveno čovjekovo određenje. Konačno, nadjeti djetetu lijepo islamsko ime spada u islamsku dužnost, tradiciju i sunnet. Znameniti ashab Ebu Derda r.a. prenosi Poslanikove riječi: «*Vi ćete, na Sudnjem danu, biti prozivani po vašim imenima, i po imenima vaših očeva. Zato, nadijevajte vašoj djeci lijepa islamska imena.*» «*Dajite djeci lijepa islamska imena, jer ćete se i u Džennetu po njima zvati*», kaže Vjerovjesnik u drugom hadisu. Iz navedenih hadisa se jasno vidi da osoba svoje ime nosi na oba svijeta što ukazuje na važnost ozbiljnog pristupa nadijevanju imena. Uz opću naredbu nadijevanja lijepih imena, islam je ljudima posta-

vio nekoliko pravila koja moraju ispoštivati pri nadijevanju imena:

1. Ime treba biti lijepo, lijepog značenja - da ne bi smetalo djetetu kada odraste i stasa.

Značenje imena ne treba upućivati na pesimizam, potištenost ili na nešto neprimjereno. Poslanik je imao običaj mijenjati ružna imena: Ako se netko zvao Sagir-Mali, on bi mu ime promijenio u Veliki. Kabiha –Ružna u Džemila-Lijepa i tome slično.

2. Lijepo je nadijevati imena vjerovjesnika i dobrih ljudi da bi se sačuvao spomen na njih i da bi ih ljudi slijedili u dobru. Poslanik je rekao: «*Allahu su najdraža imena Abdullah i Abdurrahman.*»

Muslimani ne smiju nadijevati imena koja su karakteristična za nemuslimane i koji se po njima poznaju. Poslanik je rekao: «*Onaj tko oponaša neki narod - njemu i pripada*».

Nerijetko pribjegavamo imenima koja imaju prizvuk arapskog ili turskog, a ona nemaju nikakvo ili pak imaju pogrdno značenje. Zabranjeno je skraćivati imena npr. Hasan u Haso, Mustafa u Mujo, kao što je zabranjeno i davanje pogrđnih nadimaka: Ćoro, Zguro, Ćoso, Mali, itd. Allah dž.š. kaže: «*O vjernici, ne kudite jedni druge i ne zovite jedni druge ružnim nadimcima! O, kako je ružno da se vjernici spominju podrugljivim nadimcima! A oni koji se ne pokaju - sami sebi čine nepravdu*». (EI-Hudžurat, 11)

Nadijevanje islamskih imena treba postati običaj i tradicija, nešto što se podrazumijeva i o čemu ne treba polemizirati, kao što je to slučaj kod drugih naroda.

Imena nam nose poruke, mogu svojim značenjima sugerirati nutrinu, predispozicije onih koji ih nose. Ismet, Edib, Maida, Jusuf prepoznatljiviji mogu biti i po nečem iz značenja koja nose njihova imena. Velika je Allahova mudrost na Zemlji što je učinio da se nadijevaju imena koja odgovaraju svom nositelju. Kako god postoji povezanost uzroka i posljedice, tako postoji i povezanost između čovjeka i njegovog imena.

O tome je rekao Ebu-Feth bin-Dženna: «*Dugo sam slušao jedno ružno ime, a nisam mu znao značenje. To me je toliko kopkalo pa sam počeo tražiti njegovo značenje. Tada sam otkrio da ime u potpunosti odgovara čovjeku koji ga nosi, ili mu je vrlo slično. Odmah sam to spomenuo šejhu Ibn-Tejmijji, r. a., a on mi reče: «I meni se često događa da to primijetim. Zato je Allahov Posla-*

nik, s. a. v. s., naredio muslimanima da uljepšavaju svoja imena.”

A imena naša, tradicionalna, zvučna i milozvučna, s lijepim značenjima ili jednostavna, lahka za izgovor i doziv: Edin, Esmā, Hamza, Ajša i stotine još imena sa smislenim značenjima- osporavaju eksperimentiranje i nadijevanje izmišljenih, novokomponiranih imena muslimana i muslimanki, sklopljenih zbrda-zdola.

Zaibretiti se moramo pred imenima prvašića ili maturanata: Arnela, Anda, Alsina, Elvira, Melina, Minela, Žaklina, Alvir, Arzida, Anabela, Dijana, Anita, Ervina, Alisa, Džulija, Indira, Linda, Maja, Lara, Sabina, Melisa, Damir, Edi, Fermin, Ilda, Nerina, Nina, Elvita i tako dalje.

Prezimenā nose prepoznatljiva. Tipična: Genjac, Šehović, Čolo, Samouk, Bektić, Česko. Kažu ljudi, počekom 80. bio i jedan iz porodice Trebinjac, po imenu Tito! A u Vlasenici djevojčica Hipotenuza. Roditelji je tepajući dozivali sa Hipika! Sumnjičavo se smijete na ovaj primjer, jedva možete povjerovati u njegovu vjerodostojnost. Iz Vlasenice su protjerani ili poklani muslimani, odmah, na početku agresije. Četnici nisu razdvajali Hipotenuze od Naza.

Imenom se može prepoznati pomodarstvo, snobovština, malograđanština, bratstvojedinstvujući mentalitet naših naroda – u varijantama i podvarijantama- u zavisnosti od socijalnih, ekonomskih, društvenih i psiholoških faktora. Nažalost, mnogi ljudi, od tradicije otuđeni, novo stoljeće i novi milenij dočekali, kataklizmičnu agresiju preživjeli, nastavljaju svoje otuđivanje i lutanje nadijevajući nakaradna imena svojim maksumima! I to pravdaju riječima da djeci daju imena za novo vrijeme, da im lakše bude! Kao da djeci odmah žele poručiti: Ti si samo MALKO musliman! Imenima ćemo svojim biti prozivani na tabutu, pa na Sudnjem danu. Nije li to dovoljan razlog da svome potomku ime lijepog značenja nadjenemo, s ezanom i ikametom, a da nedolična, izmišljena imena, ako su nam ih i dali, promijenimo i sami sebi muslimansko ime nadjenemo. Završit ću sa stihovima, koje je spjevao Bejdžani u “Menzumu”: “Zovi onog što ga rodi, kao Muhammeda, Tahira, Mustafu ili Ahmeda, A ako želiš, kao Abdullaha, Da ti dugo živi pod milosti Allaha. A kćeri nadij Ummihana, A nikako Fejruza ili Ismihana”.

IZVODI IZ ZAPISNIKA SA ODRŽANIH SJEDNICA IOM-A ZAGREB

sa 27. sjednice Izvršnog odbora Medžlisa Zagreb, održane 18.12.2007.g./ 8. Zul-hidždžeta, 1428.h.g. sa početkom u 20,15 sati, u biblioteci Islamskog centra Zagreb. Na početku sjednice ašere je proučio hafiz Aziz ef. Alili, a nakon toga je proučena Fatiha za sve rahmetli članove IOM-a.

I Sjednici su prisutni članovi Izvršnog odbora: hafiz Aziz ef. Alili, dipl. iur. Mirsad Srebreniković, Muhamed Imeri, dr. Merzuk Žunić, dipl. ing. Dženan Čaušević, Jonuz Idrizi, Sanel Modronja i Adnan Omanović.

Sjednici nisu prisutni članovi Izvršnog odbora: dipl. ing. arh. Azra Omerčević, dipl. ing. Mirza Šabić (ispričao kašnjenje), Khaled Yassin (bolestan), Ahmed Ikanović (hadždž), dr. Gzim Redžepi, Sami Ališan, Nazim Tafiloski i Fahrudin Mujkanović.

Od ostalih osoba sjednici je prisutan Sabit Krasnić.

II Predsjednik Izvršnog odbora predlaže sljedeći dnevni red:

1. usvajanje zapisnika sa 26. sjednice Izvršnog odbora medžlisa;
2. pripreme u Islamskom centru Zagreb za doček Kurban bajrama;
3. akcije prikupljanja i klanja kurbana;
4. razno.

Prisutni usvajaju predloženi dnevni red.

III Ad 1. dnevnog reda:

Tajnik Adnan Omanović je pročitao izvod iz zapisnika sa 26. sjednice IOM-a koji IOM usvaja uz manje izmjene.

Ad 2. dnevnog reda:

Mirsad Srebreniković podsjeća da je potrebno pripremiti sve prostorije naše džamije za klanjanje bajram namaza. Sve je dogovoreno sa čistačicama, dogovoreni su ukrasni aranžmani cvijeća, tonska proba Arabeski. Za ozvučenje je zadužen Adnan Omanović. Za sergiju su zaduženi Fahrudin Mujkanović i osobe koje će on odabrati za pomoć. Za organizaciju parkiranja vozila oko Islamskog centra zadužen je Sanel Modronja i osobe koje će on odabrati za pomoć. Klanju kurbana u Koprivnici biti će prisutni Merzuk Žunić i Muhamed Imeri. Za red u džamiji zadužen je Dženan Čaušević.

Adnan Omanović predlaže da se netko od naših imama obrati džematu barem pola sata prije sabah namaza jer će već tada džamija biti puna.

Ad 3. dnevnog reda:

Do danas je uplaćeno 535 kurbana, a naručili smo 80 goveda. Uplate su u tijeku, a očekuje se da traju sve do srijede navečer.

Ad 4. dnevnog reda:

Mirsad Srebreniković izvješćuje da su Arabeske dogovorile predložak kroja novih haljina. Dženan Čaušević preuzima obvezu da organizira dostavu pojedinačnih krojeva, krojenje i dobavu novih haljina.

Mirsad Srebreniković izvješćuje da je u četvrtak, 13.12.2007.g. bio povjerenik za džemat Maljevac Asim

Pilipović, da je osobno preuzeo odluku IOM-a o imenovanju njega za povjerenika Džemata Maljevac, blagajničke izvještaje, uplatnice i isplatnice te 2.000,00 kn za hitne troškove džemata te da je osobno poznat sa ovlastima i načinom rada povjerenika do izbora novog džematskog odbora.

IV Sljedeća sjednica biti će određena pismenim putem.

V Na završetku sjednice proučena je Fatiha.

sa 28. sjednice Izvršnog odbora Medžlisa u Zagrebu, održane, 15.1.2008.g. / 7. muharrema 1429. h.g., sa početkom u 20,15 sati, u biblioteci Islamskog centra Zagreb.

Ašere na početku sjednice proučio je hafiz Aziz ef. Alili, a nakon toga je proučena Fatiha za sve rahmetli članove IOM-a.

I Sjednici su prisutni članovi Izvršnog odbora : hafiz Aziz ef. Alili, dipl. iur. Mirsad Srebreniković, dipl. ing. arh. Azra Omerčević, dr. Merzuk Žunić, dipl. ing. Mirza Šabić, Khaled Yassin, dipl. ing. Dženan Čaušević, Ahmed Ikanović, Jonuz Idrizi, Sanel Modronja, Sami Ališan, Fahrudin Mujkanović i Adnan Omanović.

Sjednici nisu prisutni članovi Izvršnog odbora : Muhamed Imeri (put), Nazim Tafiloski (put) i dr. Gzim Redžepi (posao).

Od ostalih osoba sjednici su prisutni muftija Ševko ef. Omerbašić i Sabit Krasnić te džematlije iz Maljevca: Hasan Đogić, Fikret Tabaković, Elzad Sulejmanagić, Suljo Bašić i Muhamed Šemić.

II Predsjednik Izvršnog odbora predlaže sljedeći dnevni red:

1. usvajanje zapisnika sa 27. sjednice Izvršnog odbora medžlisa
2. primljena i odata pošta
3. mjesečno izvješće o vjersko-prosvjetnim aktivnostima u prosincu 2007.godine
4. simpozij povodom 21. godišnjice radnog otvorenja Zagrebačke džamije
5. organizacija 14. Europskog natjecanja učača Kur'ana
6. završetak akcije klanja kurbana
7. razno.

Prisutni usvajaju predloženi dnevni red.

III Ad 1. dnevnog reda:

Tajnik Adnan Omanović je pročitao izvod iz zapisnika sa 27. sjednice IOM-a koji IOM usvaja uz manje izmjene.

Ad 2. dnevnog reda:

Upućen je dopis Džematskom odboru Karlovac o potrebnim ispravicima u blagajničkom izvješću te zahtjev za predaju izvoda iz žiro računa.

Ad 3. dnevnog reda:

Glavni imam hafiz Aziz ef. Alili podnio je pismeno mjesečno izvješće Medžlisa IZ Zagreb o vjersko-prosvjetnim aktivnostima u prosincu 2007. koje obuhvaća podatke

o broju dženaza, namaza, tevhida, mevluda, broju učenika u mektebima, školama, posjetama džematu, akikama itd., a izvješće je dio ovog izvoda iz zapisnika.

U diskusiji koja je uslijedila utvrđeno je da je rad tribine Dr. Sulejman Mašović intenziviran, da je povećan broj slušatelja, no da odaziv džemata još uvijek nije adekvatan kvaliteti ponuđenih predavanja. Dana, 6.12.07. održana je promocija knjige "Europski muslimani na početku 21. stoljeća" autora prof. dr. Saliha Kulenović, a 13.12. 2007. povodom Dana ljudskih prava održana je tribina na kojoj su nastupili Mato Arlović, Mirjana Domini i Žarko Puhovski.

Muftija Ševko ef. Omerbašić je u obraćanju IOM-u naveo kako zbog primjene ISO standarda u Islamskoj zajednici u Hrvatskoj nama postaju dostupni brojevi pokazatelji iz kojih se mogu izvući korisni zaključci o našem radu. Tako je on uz pomoć učenika naše medrese proveo statističko ispitivanje brojeve prisutnosti džematlija na namazu. Utvrđeno je da na džumu dolazi oko 650 džematlija, time da je od sredine studenog broj porastao na oko 730. Na teravih namaz dolazilo je u prosjeku 780 džematlija, na ikindijsku mukabelu u prosjeku 70 džematlija, a posljednjem Kurban bajram namazu bilo je prisutno 4228 džematlija. Statistika se vodi po spolu i dobnim grupama džematlija. Mirsad Srebreniković predlaže da se istraživanje nastavi, a da rezultati budu podvrgnuti analizi na sjednici IOM-a krajem ove godine.

Ad 4. dnevnog reda:

1. Predsjednik IOM-a ukazuje da ove godine slavimo 21. godišnjicu radnog otvorenja Zagrebačke džamije te da povodom toga trebamo organizirati svečani simpozij. Ševko ef. Omerbašić podsjeća da je ovo 20. godina od preseljenja na ahiret prof. dr. Ahmeda Smajlovića čije ime nosi naša medresa. Simpozij bi svakako trebao biti prilika da se rasvijetli život i djelo ovog velikog znanstvenika. Također ukazuje da bi kao temu simpozija on predložio djelovanje muslimanskih manjina u Hrvatskoj i Sloveniji. Glede ove teme konzultirao je ljubljanskog muftiju Nedžada ef. Grabusa koji podržava ideju. Predlaže da profesorica Remzija Hadžiefendić-Parić izvrši izbor tema glavnih referata i organizira raspodjelu tema odabranim predavačima. Ocjenjuje da imami Zagrebačke džamije trebaju nastupiti kao predavači.

Mirsad Srebreniković predlaže da kao jedna od tema simpozija obvezno bude život i djelo prof. dr. Ahmeda Smajlović. Predlaže da se donese odluka o prihvaćanju organizacije simpozija i izvrši odabir članova IOM-a koji će učestvovati u stručnom savjetu simpozija.

IOM donosi sljedeću

O d l u k u

Prihvata se organizacija simpozija povodom 21. godišnjice radnog otvorenja Zagrebačke džamije.

Radna tema simpozija je "Tragom uspješnog rada dr. Ahmeda Smajlovića", a na nju nadovezujuća tema je "Djelovanje muslimanske manjine u Republici Hrvatskoj i Republici Sloveniji" te teme po odabiru stručnog savjeta simpozija. Suorganizator natjecanja je Medresa "Dr. Ahmed Smajlović" u čije ime pripreme za simpozij rukovodi prof. Remzija Hadžiefendić-Parić.

U simpoziju će kao predavači učestvovati ljubljanski muftija Nedžad ef. Grabus, imami Zagrebačke džamije te ostali pozvani predavači.

Simpozij će se održati dne. 25. i 26. travnja 2008./ 20. i 21. rebiu-l-ahira 1429. u Velikoj dvorani "Hadži Salim Šabić" Islamskog centra Zagreb.

U radu stručnog savjeta simpozija učestvovat će članovi IOM-a Zagreb Azra Omerčević, Merzuk Žunić i Adnan Omanović.

2. Muftija Ševko ef. Omerbašić podsjeća da je nedavno održana tribina povodom 10 godina od preseljenja na ahiret prof. dr. Sulejmana Mašovića, našeg glasovitog znanstvenika, alima i muderisa. Iako je bila najavljena, tribina je bila vrlo slabo posjećena, što ocjenjuje sramotnom činjenicom. Takav propust ne bi se trebao ponoviti povodom godišnjice preseljenja na ahiret hadži Salima Šabića.

Dženan Čaušević predlaže da se termin tribine četvrtkom pomakne nešto kasnije, jer zaposlene osobe ne mogu doći i na vrijeme.

Ahmed Ikanović pokreće pitanje radi čega do sada nisu tiskani zbornici svih simpozija održanih u Islamskom centru Zagreb. Adnan Omanović predlaže da IOM stupi u kontakt sa osobama koje su bile zadužene za izradu pojedinih zbornika te da se taj posao završi u dogledno vrijeme.

Ad 5. dnevnog reda:

Glede organizacije 15. europskog natjecanja učača Kur'ana uzima se do znanja činjenica da ramazan počinje 1. 9. 2008. te da slijedom toga natjecanje treba početi kasnije, a predložen je termin 23. - 25. listopada 2008. Početkom ožujka IOM će održati sjednicu posvećenu organizaciji natjecanja.

Khaled Yassin upućuje kritiku što u Biltenu nije objavljeno da je Medžlis Zagreb u prosincu 2007. osvojio prvo mjesto na natjecanju svih organizatora natjecanja učača Kur'ana u Europi. IOM zadužuje Khaleda Yassin da napiše članak za Bilten o ovom vrijednom priznanju koje će nas nadalje motivirati kao organizatore natjecanja.

IOM donosi sljedeću

O d l u k u

Prihvata se organizacija 15. europskog natjecanja učača Kur'ana u periodu od 23. do 25. listopada 2008. u Islamskom centru Zagreb.

Pripreme za natjecanje obaviti će komisija u sastavu: hafiz Aziz ef. Alili, Khaled Yassin, Ahmed Ikanović, Fahrudin Mujkanović i Adnan Omanović.

Ad 6. dnevnog reda:

Uspješno je završena akcija klanja kurbana. Uplaćeno je ukupno 606 kurbana, a IOM ističe uspješnu poslovnu suradnju sa tvrtkom "Danica" iz Koprivnice koja je posao klanja i obrade mesa završila u roku.

IOM odaje posebno priznanje Smaji Tataragiću koji je i ove godine osobno radio na prikupljanju stoke, dogovoru o organizaciji klanja sa "Danicom", bio prisutan svo vrijeme klanja i pripreme mesa, dopreme mesa u Zagreb te diobe 1/3 kurbana džematlijama. Klanju kurbana bili su prisutni Mersad ef. Krešić i 2 člana IOM-a Merzuk Žunić i Muhamed Imeri.

Ad 7. dnevnog reda:

Predsjednik Mirsad Srebrenković ukazuje da je IOM zaprimio dopis iz Džemata Maljevac kojim se izvješćuje o održavanju kandidacijske i izborne skupštine na sami dan Kurban bajrama te istodobnom izboru članova novog džematskog odbora.

Podsjeća da je povodom tog dopisa tajnik IOM-a uputio službeni dopis imamu džemata Maljevac Admiru ef. Muhić u i povjereniku Asimu Pilipoviću kojim ih je izvjestio da kandidacijski skup i izbor članova novog džematskog odbora nisu suglasni odredbama Statuta islamske zajednice u Hrvatskoj te da su, slijedom toga, sve odluke sa tog skupa ništave.

Tajnik IOM-a podsjeća prisutne na izvješće povjerenstva za džemat Maljevac koje je predano ovom IOM-u. Ukazuje da se iz principijelnih razloga ne smije dozvoliti postupanje protivno ili mimo odredaba našeg Statuta. Sve radnje glede novog kandidacijskog skupa treba provesti povjerenik za Maljevac g. Asim Pilipović suglasno odluci o imenovanju povjerenika. U odnosu na ranije prisutne probleme u Maljevcu IOM Zagreb je već realizirao svoju odluku o plaćanju autobusa za prijevoz djece Maljevca na mektepsku obuku. Podsjetio je da je o ovim problemima bila riječ i na sjednici Muallimskog vijeća dne. 8.12.2007. na kojoj su prilikom da se očituju o tim pitanjima imali Admir ef. Muhić i Azim ef. Durmić.

U diskusiji koja je potrajala sat vremena diskutirali su svi prisutni džematlije Maljevca iskazujući želju da se hitno riješi nastala situacija.

Ahmed Ikanović je ukazao da je džemat Maljevac zaslužio da riješi svoje probleme, da je prisutni Elzad Sulejmanagić u fazi osnivanja džemata i izgradnje džamije svoju obiteljsku kuću stavio na raspolaganje za održavanje mektepske nastave i za rad Merhameta tijekom domovinskog rata, što ukazuje da postoji nijet da se očuva islam u Maljevcu. Podsjeća na početne inicijative za izgradnju džamije u Maljevcu itd. Također ukazuje da određene džematlije svojim ponašanjem u privatnom životu bacaju sumnju u dosljednost pridržavanja šerijatskim propisima, a riječ je o uživanju alkohola itd. Zbog toga bi svatko trebao osobno ocijeniti da li je podoban da bude kandidat za člana džematskog odbora.

Nakon diskusije u kojoj su uzeli učešće Sanel Modronja, Dženan Čaušević, Sami Ališan ostvarena je suglasnost o daljem tijeku postupanja.

IOM donosi sljedeću

O d l u k u

Poziva se povjerenik za džemat u Maljevcu Asim Pilipović da sazove kandidacijsku skupštinu u roku ne dužem od tri tjedna te da o točnom datumu izvjesti ovaj IOM.

IV Sljedeća sjednica je određena za 29.1.2008. / 21. muharrem 1429.h.g.

V Na završetku sjednice proučena je Fatiha.

sa 29. sjednice Izvršnog odbora Medžlisa u Zagrebu, održane 29.1.2008./ 21. muharrem 1429.h.g. sa početkom u 20,15 sati u biblioteci Islamskog centra Zagreb.

Ašere na početku sjednice proučio je hafiz Aziz ef. Alili, a nakon toga je proučena Fatiha za sve rahmetli članove IOM-a.

I Sjednici su prisutni članovi Izvršnog odbora: hafiz Aziz ef. Alili, dipl. iur. Mirsad Srebreniković, Nazim Tafiloski, dr. Merzuk Žunić, dipl. ing. Dženan Čaušević, Ahmed Ikanović, dr. Gzim Redžepi, Jonuz Idrizi, Sanel Modronja, Sami Ališan, Fahrudin Mujkanović i Adnan Omanović. Sjednici nisu prisutni članovi Izvršnog odbora: dipl. ing. arh. Azra Omerčević, dipl. ing. Mirza Šabić (posao), Khaled Yassin (bolestan) i Muhamed Imeri (put). Od ostalih osoba sjednici su prisutni dipl. ecc. Melika Teskeredžić, Saudin ef. Subašić i Sabit Krasnić.

II Predsjednik Izvršnog odbora predlaže sljedeći dnevni red:

1. usvajanje zapisnika sa 28. sjednice Izvršnog odbora medžlisa
2. primljena i odasлана pošta
3. izvješće o financijskom poslovanju u 2007.
4. plan poslovanja u 2008.
5. razno.

Prisutni usvajaju predloženi dnevni red.

III Ad 1. dnevnog reda:

Tajnik Adnan Omanović je pročitao izvod iz zapisnika sa 28. sjednice IOM-a koji IOM usvaja uz manje izmjene. IOM zadužuje glavnog imama da provjeri tko je bio zadužen za izdavanje zbornika sa dosadašnjih simpozija koji još nisu tiskani te da dogovori izdavanje nedostajućih zbornika.

Ad 2. dnevnog reda:

Mešihat Islamske zajednice u Hrvatskoj uputio je poziv za 8. izvještajnu skupštinu Islamske zajednice u Hrvatskoj. Mešihat Islamske zajednice u Hrvatskoj uputio je poziv glavnim imamima radi utvrđivanja programa rada pripravnika.

Mešihat Islamske zajednice u Hrvatskoj uputio je poziv za izbor osobe koja će organizirati dušebrižništvo u bolnicama grada Zagreba.

Sabor Islamske zajednice u Hrvatskoj uputio je poziv za raspisivanje novih izbora za 3 člana Sabora Islamske zajednice u Bosni i Hercegovini sa područja Medžlisa Zagreb.

Pročitana je Ugovor o prijevozu učenika džemata Maljevac na mektepsku nastavu između ATP Karlovac i Medžlisa Zagreb.

“Merhamet” je uputio dopis kojim moli nabavu novog motornog vozila za potrebe prijevoza humanitarne pomoći.

Ad 3. dnevnog reda:

Dipl. ecc. Meliha Teskeredžić je pročitala financijsko izvješće za 2007. godinu. Ukupni prihodi u 2007. su veći u odnosu na 2007. za 10,58%, a rashodi su veći za 4,36%.

Financijski rezultati su iskazani posebno za poslovni fond te posebno za fond sadaketa fitra i zekjata.

Pročitana je bilanca uspjeha džemata Maljevac, džemata Bogovolja, džemata Karlovac te blagajne za izgradnju džamije u Bogovolji.

Predsjednik IOM-a Mirsad Srebreniković zahvalio se u ime IOM-a gospođi Meliki Teskeredžić za savjesno i stručno obavljen posao.

U diskusiji koja je uslijedila Dženan Čaušević je pitao o načinu financijskog evidentiranja uplaćenih kurbana te je ukazano da su u 2007. bila dva kurban bajrama. Fahrudin Mujkanović predlaže pooštavanje kriterija naplate naknade za dženzu tj. provjeriti tko je socijalno ugrožena osoba te da li je merhum bio član naše zajednice. Financijske rezultate ocjenjuje pozitivnim, no ukazuje da bi angažman odbornika trebao biti veći. Nazim Tafiloski pohvaljuje stručnost financijskog izvješća te je zatražio pojašnjenje u svezi dobiti koju ostvarujemo od poslovnih banaka. Predsjednik Srebreniković ukazuje da je IOM sačuvao povjerenja financijska sredstva te da rashode financira prihodima, što je dokaz zdravog poslovanja. Predlaže da Nazim Tafiloski, Dženan Čaušević, Gzim Redžepi i Adnan Omanović razmotre dosadašnje poslovanje sa bankama te predlože eventualna nova rješenja. Adnan Omanović ukazuje da financijski rezultati trebaju biti korigirani u visini realne inflacije u 2007. te ukazuje na apsurd da je prihod od sergije veći od prihoda od članarine. Ahmed Ikanović pokreće pitanje otpisa dugotrajne imovine kao nužnost nakon 20 godina rada Islamskog centra Zagreb.

IOM donosi sljedeću

Odluku

Usvaja se financijsko izvješće za 2007.

Ad 4. dnevnog reda:

Dipl. ecc. Meliha Teskeredžić je pročitala plan poslovnih prihoda i rashoda za 2008., plan prihoda i rashoda sadekai fitra te plan zekjata za 2008.

Gzim Redžepi predlaže da se prihod namjenskih sergija knjiži kao prolazna stavka. Sanel Modronja predlaže da se zanatske usluge knjiže unutar tekućeg održavanja objekta. Fahrudin Mujkanović predlaže da se napravi prikaz financijskih rezultata tijekom niza godina rada Medžlisa Zagreb. Nazim Tafiloski predlaže da se prihodi i rashodi prikažu zbirno radi veće preglednosti, a da se detaljni prikaz prezentira na zahtjev zainteresiranih osoba.

Mirsad Srebreniković ukazuje da temeljem pozitivnog rezultata poslovanja trebamo u planu za 2008. predvidjeti radove na Islamskom centru Zagreb. Fahrudin Mujkanović predlaže nabavu informatičke opreme te obnovu inventara mektepskih učionica. Adnan Omanović izvješće uje da je u tijeku temeljita obnova sustava ozvučenja cijelog Islamskog centra Zagreb, a dio sustava će biti iznova kupljen zbog nemogućnosti popravljivanja uređaja starih 20 godina. Predlaže da se sustavno pristupi tehničkom snimku prozora u mektepskim učionicama te svim stanicama u lameli C, a nakon toga da tehnička služba napravi plan zamjene postojećih prozora sa PVC stolarijom adekvatne kvalitete, boje i izgleda. Dženan Čaušević ukazuje da zamjena stolarije mora biti provedena postepeno zbog visoke cijene. Predlaže da prioritet imaju tri mektepske učionice i stanovi imama.

Mirsad Srebreniković ukazuje da su imami trebali bez oklijevanja reagirati kad su uočili jaka procurenja oborinskih voda kroz prozore. Naglašava da moramo razvijati

ti odgovorniji odnos prema održavanju objekta i vlastitom inicijativom poticati izvođenje hitnih radova.

Ahmed Ikanović ukazuje da zamjeni prozora trebamo pristupiti kao ozbiljnom projektu u koji ćemo uključiti cjelokupan džemat. Posljednju takvu akciju imali smo radi obnove munare prije 3 godine. IOM mora u akciju krenuti sam. Predlaže da na sljedećoj sjednici bude prikazano za svakog člana IOM-a koliko članarinu plaća on te koliko plaćaju članovi njegove obitelji, osobito oni u radnom odnosu. Nije prihvatljivo da članarinu plaća samo jedna osoba u obitelji u kojoj je više osoba zaposleno. Članarina niža od 360,00 kn godišnje ne može biti prihvatljiva. Plan članarine za 2008. ocjenjuje nedovoljno ambicioznim. U plaćanju članarine te u ostalim novčanim davanjima trebaju prednjačiti osobe zaposlene u Islamskoj zajednici. Pitanje povišenja članarine mora biti pokrenuto pred džematom na budućoj izvještajnoj skupštini IOM-a za 2007.

Mirsad Srebreniković predlaže da prioriteta ulaganja budu izmjene kompletne bravarije ulaznih vrata na zapadnoj strani Islamskog centra, kupnje stolova, stolica i ostalog inventara za učionice mekteba, prozori i balkoni mekteba, ozvučenje Islamskog centra, uređenje parkirnih površina ispred OKM-a, izmjena glavnih ulaznih stepenica Islamskog centra na zapadnoj strani objekta te izmjena betonskih ploča na platou pred tim stepenicama. Ove zadatke trebamo razvrstati po listi prioriteta i rješavati jedan po jedan.

Hafiz Aziz ef. Alili ukazuje da džematu treba biti objašnjena svrha postojanja članarine te namjene u koje se ona troši.

Ad 5. dnevnog reda:

1. Mirsad Srebreniković predlaže da se u izvod iz zapisnika sa sjednice IOM-a unose sve relevantne diskusije članova IOM-a. Također ukazuje da je organizaciju dolazećeg simpozija u travnju prihvatila Medresa "Dr. Ahmed Smajlović" kao suorganizator u stručnom dijelu priprema. Radni naslov simpozija glasi "Tragom uspješnog rada dr. Ahmeda Smaljovića".

2. Ahmed Ikanović izvješćuje da je na ahiret preselila dr. Fatima Mašović, supruga rahmetli prof. dr. Sulejmana Mašovića. Dženaza je u petak 1.2.2008. na groblju Mirogoj.

3. Povjerenik za džemat Maljevac Asim Pilipović je za 2.2.2008. predložio održavanje kandidacijskog skupa za članove džematskog odbora Maljevac. IOM donosi sljedeću

O d l u k u

Usvaja se održavanje kandidacijskog skupa za članove džematskog odbora Maljevac za 2.2.2008. U ime IOM Zagreb kandidacijskom skupu biti će prisutni Mirza Šabić, Ahmed Ikanović i Sanel Modronja.

IV Sljedeća sjednica biti će određena pismenim putem.

V Na završetku sjednice proučena je Fatiha.

Sjednica IOM-a završena je u 23,00 sata.

TRIBINE "DR. SULEJMAN MAŠOVIĆ"

PREDAVANJE O VAŽNOSTI NAFTE

Na redovnoj tribini četvrtkom "Dr. Sulejman Mašović" u Islamskom centru Zagreb, 31. 1. 2008. godine, predavanje na temu "Međunarodni položaj islamskih zemalja u kontekstu geopolitičkog značenja nafte" održao je prof. dr. Igor Dekanić. Dr. Dekanić je redovni profesor na Rudarsko-geološko-naftnom fakultetu u Zagrebu i bivši savjetnik predsjednika Mesića za unutarnju politiku. Putem powerpoint prezentacije prisutnima je u velikoj dvorani "H. Salim Šabić" pobliže pojasnio značenje "crnog zlata" za svjetsku industriju. Nafta, od kako se počela koristiti u industriji Sjedinjenih Američkih Država pa do danas ne samo da je postala nezamjenjiv energent nego je postala i razlogom sve češćih regionalnih sukoba. Po nekima Drugi svjetski rat saveznici su dobili zahvaljujući brzim i nesmetanim pristupima nafti. Danas je nafte sve manje a potražnja za njom je sve veća, zato će čovjek morati izumiti alternativne izvore energije a do nje će velike svjetske sile dolaziti i oružjem. Što se tiče muslimanskih zemalja one su direktno uključene u problematiku nafte, jer proizvode više od 60% ukupne svjetske nafte. Sve su smještene u Perzijskom zaljevu koji je već duže vrijeme izvor sukoba i nestabilnosti. Pitanje nafte nažalost donosi cijelom svijetu neizvjesnu budućnost.

PRAVA ŽENE U ISLAMU

Povodom obilježavanja Nacionalnog dana Islamske Republike Iran, supruga iranskog ambasadora u Zagrebu gospođa Fadaifard održala je 7. veljače prigodno predavanje u Islamskom centru Zagreb u sklopu redovne tribine "Dr. Sulejman Mašović".

Gđa. Haydeh Fadaifard po struci je znanstveni suradnik u petrokemijskoj industriji, inače diplomirani politolog. Nije se odlučila za nastavak svoje znanstvene karijere izabравši dobrobit svoje obitelji. Rođena je i odrasla u Iranu, a sa svojim suprugom živjela je u mnogim drugim zemljama. Ona poznaje položaj žene i u Iranu i na zapadu i vrlo je mjerodavna govoriti o ovoj temi.

Da je ova tema vrlo interesantna, a osobito kada ju obrađuje Iranica, govori i činjenica da je gospođa Fadaifard o ovoj temi održala već dva predavanja. Jedno pred prepunom dvoranom na Filozofskom fakultetu, a drugo pred kritičnim auditorijem Međunarodnog kluba žena.

Navest ćemo mali odlomak predavanja:

"Islamska Republika Iran je, kao što ime jasno kazuje, država bazirana na islamskoj vjerskoj demokraciji, vjeri čiji se zakoni i propisi odnose na svakodnevni život čovječanstva uopće.

Prvo bih kratko opisala naše razumijevanje žene u očima Islama, njenu ulogu u obitelji i naravno u društvu kao cjelini, a tada objasniti njezinu ulogu u Islamskoj Republici. Allah je stvorio sva ljudska bića jednakima, darujući im slobodu, i privilegirajući one najpobožnije svojim blagoslovom. Muškarce i žene stvorio je jednakima u svom ljudskom dostojanstvu i odgovornostima. Ohrabrio ih je da nastoje u težnji ka pravednim društvenim ulogama, u skladu s njihovim prirodnim mogućnostima i potencijalima sa ciljem postizanja socijalne pravde.

Dakle, muškarac i žena su stvoreni jednaki pred Bogom, nisu stvoreni isti i njihove različitosti zahtijevaju različiti pristup njihovim ulogama i odgovornostima unutar društva. Muškarac i žena nisu jedno drugom suprotstavljene ali su različite cjeline stvorene da se usklađuju i međusobno upotpunjavaju.

Muškarac i žena trebaju podjednako nastojati da ostvare svoje ideale kroz povećanje znanja, poboljšanje međusobnog razumijevanja, čuvanja ljudskog integriteta, uživanja u životnim darovima, koristeći se osobnim i društvenim slobodama i stvarajući svijet boljim za život."

U ostatku izlaganja, gđa. Fadaifard je istaknula da žene u Iranu ni u kojem slučaju nisu potlačene ili izrabljivane na bilo koji način, već da su štoviše na ključnim pozicijama u državnim i lokalnim organima vlasti, ministarstvima, fakultetima itd. Najviše o tome govore podaci da su djevojke 70% diplomanada na iranskim sveučilištima.

Naravno, uzrok negativnom stavu svjetske javnosti o položaju žene u Iranu jest neinformiranost u prvom redu, a sklonost je ljudi inače da ono što je drugačije ili njima nepoznato jednostavno prepoznaju kao loše.

Iz tog je razloga velika privilegija da smo mi imali priliku iz prve ruke saznati "kakvo je stanje" u I.R. Iran.

Iz predavanja je jasno vidljiva zabluda u kojoj su oni koji smatraju da je u Islamu žena obespravljena. Jasno je naglašena jednakost žene i muškarca kao Božjih stvorenja, kao i njihova psihofizička različitost koja u velikoj mjeri u muslimanskim zemljama, pa i u Iranu, diktira njihova različita područja odgovornosti i uloge u društvu. Porodica je uzdignuta na najviši nivo, kao mjerna jedinica cijelog društva, a za nju je ključna osoba upravo žena.

U predavanju je izneseno mnogo zanimljivih stavova koji svakako navode na razmišljanje o uređenosti različitih dijelova svijeta na ovu temu. Oni svakako zaslužuju razmjenu mišljenja na nekoj, možda zasebnoj tribini.

PROMOVIRAN NOVI RJEČNIK BOSANSKOG JEZIKA

U sklopu redovne tribine četvrtkom "Dr. Sulejman Mašović" u Islamskom centru Zagreb, 14.2. 2008. godine, predavanjem na temu "Bosanski jezik danas" promoviran je novi rječnik Bosanskog jezika kojeg je izdao Institut za Bosanski jezik iz Sarajeva. O Bosanskom jeziku i novom rječniku govorili su prof. dr. Remzija Hadžiefendić-Parić, prof. dr. Alija Pirić i književnik Hadžem Hajdarević. Prisutni su mogli uživati u izlaganjima vrsnih poznavatelja Bosanskog jezika. Iznešeni su povijesni podaci o evoluciji Bosanskog jezika, ali i njegovoj važnosti za cjelokupno bošnjačko nacionalno biće.

PROMOCIJA DOKUMENTARNOG FILMA "HAFIZ"

U prepunoj dvorani Islamskog centra Zagreb "H. Salim Šabić", u sklopu redovne tribine "Dr. Sulejman Mašović", u četvrtak, 21. 2. 2008. godine, održana je premijera neobičnog dokumentarnog filma pod nazivom "HAFIZ". Riječ je o desetominutnom dokumentarcu kojeg su režirali i ostvarili učenici zagrebačke osnovne škole Marija Jurić Zagorka uz pomoć svoje dvije nastavnice, a glavni protagonista u filmu je naš hafiz Amar Mujkanović.

Svaki pravi musliman zna što znači biti hafiz, a osobito kada to postane desetogodišnji dječak, međutim, velika je stvar kada taj dječak oduševi svoje nastavnike i vršnjake u Osnovnoj školi te svojim ponašanjem zavrijedi da se o njemu napravi i dokumentarni film. Iako su to učinili Amarovi vršnjaci, na taj način pokazujući kako su ponosni na Amara, po riječima poznatog hrvatskog filmskog redatelja i kritičara Petra Krelje, film je pravo malo remek djelo. Kako je rekao, osobno mu je žao što se on nije sjetio napraviti film o Amaru. Prije same projekcije filma, g. Krelja je održao petominutno predavanje o važnosti ovakvih projekata u svijetu filma. Zaželio je uspjeh filmu na natjecanjima na kojima će se pojaviti.

Film govori o običnom osnovnoškolcu koji voli sport, druženje sa svojim prijateljima, šalu i sve što vole mladi, ali koji se opet razlikuje od njih, jer zna napamet svetu Knjigu muslimana i to na Arapskom jeziku, koji mu nije maternji jezik. Uz sve to on je i odličan učenik, duhovit i u svome razredu omiljen. Film prikazuje i hafizove svakodnevnne obaveze, od pisanja zadaće do svakodnevnog ponavljanja Kur'ana te donosi intervju o njegovim željama za budućnost.

Uz održanu premijeru filma, učenici spomenute škole uz pomoć svojih nastavnika pripremili su i prekrasan program koji je oduševio prisutne. Oduševila je voditeljica Barbara, učenica petog razreda, koja je u maniri prave profesionalke najvaljivala govornike. Ispred svih uposlenika škole, prisutnima se obratio ravnatelj Željko Kelava. Zahvalivši se domaćinima na gostoprimstvu, pohvalio se ravnatelj Kelava što među svojim učenicima ima takvog genijalca kakav je Amar. Svojim odgojem i odnosom prema drugoj djeci i nastavnicima može biti primjer svakom učeniku. Prisutnima se obratio i pomoćnik muftije za vjerska pitanja mr. Aziz ef. Hasanović. On je u svome obraćanju podsjetio prisutne na značenje hifza te na želju svakog vjernika da postane hafiz. No, tu čast Allah dž.š. dodjeljuje samo odabranim osobama. Istakao je kako su zagrebačke džematlije ponosne na Amara kao i njegovi nastavnici u školi te je obećao da će na prvom sastanku sa ljudima iz Ministarstva obrazovanja pohvaliti Amarovu školu kao primjer jačanja tolerancije i međusobnog uvažavanja i suživota ratličitih vjera i kultura.

Kao Amarov muhaffiz, prisutnima se obratio i Mevludin ef. Arslani. Podsjetio je prisutne na same početke Amarovog učenja u mektebu i želju Amarovih roditelja za učenjem Kur'ana napamet. Prisjetio se i teških trenutaka koje je prolazio sa Amaram kada je kao dječčić zapadao u krizu, koju skoro svaki hafiz doživi, te radosne trenutke završetka polaganja pred peteročlanom komisijom u Sarajevu.

Obratio se prisutnima i sam hafiz Amar. Zahvalio se svojim roditeljima, djedu i nani, svome muhafizu kao i svojim nastavnicima za svu podršku koju su mu pružali tokom proteklih godina.

U Programu su učestvovali i članovi dva zbora. Prvo zbor Osnovne škole Marije Jurić Zagorka, a zatim i zbor Zagrebačke medrese "Dr. Ahmed Smajlović".

Na kraju su predsjednik IOM-a Zagreb Mirsad Srebrenković te član IOM-a Fahrudin Mujkanović uručili ravnatelju Kelavi prigodne darove. Krasna večer je završila zakuskom u prostorijama Zagrebačke medrese.

(Preuzeto iz Večernjeg lista, od 19. 2. 2008.)

Amar Mujkanović, 14-godišnjak i jedini rođeni hrvatski hafiz. Ta se titula može osvojiti nakon što se Kur'an nauči napamet. Amaru je to pošlo za rukom s nepunih 12 godina. Fotografsko pamćenje pomoglo mu je da svlada sve 604 stranice svete muslimanske knjige, a koliko je to teško, dovoljno govori podatak da osim njega u Hrvatskoj Kur'an napamet zna samo glavni imam zagrebačke džamije hafiz Aziz efendija Alili.

Zbog Amarove nevjerojatne nadarenosti, učenici iz njegove škole o njemu su snimili kratkometražni dokumentarni film "Hafiz" čija će se svečana premijera održati sutra u Islamskom centru u zagrebačkoj džamiji. Film će ondje najaviti Petar Krelja.

– Posljednjih me dana hvata trema jer će na svečanoj premijeri biti svi moji prijatelji iz škole i džamije. Vrlo sam ponosan – kaže nadareni Amar.

Kur'an je počeo učiti sa šest, sedam godina. Što se prije počne, objašnjava Amar, veća je vjerojatnost uspjeha. Njegovo su znanje nakon četiri i pol godine učenja provjerili hafizi iz Egipta, Saudijske Arabije i Indonezije u Dubaiju, gdje se svake godine održava svjetsko natjecanje hafiza za koje je Amar dobio pozivnicu.

Ispitivanje se održava tako da se natjecateljima kaže neka prepričaju neku od stranica Kur'ana, a onaj koji to najbolje učini nastavlja put prema tituli hafiza.

– Bilo nas je 80-ak, a ja sam bio jedan od mlađih. Unatoč uspjehu, ne mogu se mjeriti s djecom iz muslimanskih zemalja koja Kur'an počinju učiti i prije nego što sam ja počeo i tome se potpuno posvećuju – objašnjava naš najmlađi poznavatelj Kur'ana.

Ta se djeca, ističe profesorica Forjan, uglavnom posvećuju samo Kur'anu za razliku od Amara koji redovito pohađa školu, uči engleski i njemački i uza sve to prolazi s odličnim uspjehom! Nakon završetka osnovne škole Amar će krenuti u islamsku gimnaziju u kojoj će, uz predmete koje bi učio i u općoj gimnaziji, učiti muslimanski vjeronauk i arapski jezik.

Svakog dana ponavlja.

Naučio sam arapska pismo koje je jednostavno, a jezik još nisam. Prijevod mi je pomogao da shvatim bit – objašnjava Amar. Kaže da je Kur'an lako naučiti, no teško je održati znanje, pa ga svakog dana mora ponavljati. Sat do dva čitanja i ponavljanja na dan ne pada mu teško, kaže, jer radi ono što voli.

IZABRANO NOVO VODSTVO VIJEĆA ŽENA

U subotu poslije jacije, 23.2.2008., u Velikoj dvorani Islamskog centra Zagreb, održana je izborna skupština Vijeća žena. Prethodno su obavljene pripreme i poslano je preko tisuću poziva na adrese članova IZ. Pozivu se odazvalo nešto više od sto naših džematliki. Slanjem poziva ostvaren je cilj da se svaka džematlika obavijesti o planovima i aktivnostima žena. I materijalnu i moralnu podršku novom organiziranju žena dao je odbor IZ, a na samoj Skupštini i glavni imam i predsjednik IOM. Na početku sastanka ašere i uvodni govor o važnosti žene muslimanke u zajednici dao je hfz Aziz Alili. Potom je vd predsjednica Azra Omanović govorila o dosadašnjim

aktivnostima VŽ kao i samom izboru novih kandidatkinja u uže vodstvo. Žene su predložile 20 imena prisutnih žena koje su se i predstavile te rekle nešto o planiranim aktivnostima i tome kako sebe vide u budućem sastavu VŽ nakon čega se pristupilo glasovanju. Sljedećih 10 žena dobilo je najviše glasova: **Mirvete Kozica, Asija Omeragić, Azra Omanović, Džana Čevapović, Nura Čaušević, Šefika Bešić, Zekira Kasumović, Munevera Žunić, Senija Krkić i Fatima Alii.** One će godinu dana biti u Odboru VŽ te za ostali dio ženskoga džemata planirati aktivnosti. U sastavu novoga odbora su i tri muallime. Svima njima čestitamo i želimo puno uspjeha u realiziranju planiranih aktivnosti. Još jednom podsjećamo ženski dio džemata da su redovni sastanci i druženja žena zadnju srijedu u mjesecu u našoj divanhani.

VEČER SEVDAHA U ISLAMSKOM CENTRU ZAGREB

U utorak, 19. 2. 2008. godine, u velikoj dvorani Islamskog centra Zagreb, održana je večer sevdaha pod nazivom "Sevdahom kroz povijest Bosne". Glavni akteri večeri bili su članovi institucije sevdaha *Fondacija Omera Pobrića* na čelu sa sa maestrom Omerom Pobrićem. Oni su doputovali u Zagreb kako bi održali veliki koncert sevdaha u koncertnoj dvorani Vatroslav Lisinski. No, kako je rekao gospodin Pobrić, noć prije koncerta u Lisinskom, on i njegovi suradnici su odlučili za zagrebačke džematilje izvesti nekoliko sevdalinki kao znak zahvalnosti za sve ono što su oni učinili za bosanske izbjeglice tokom posljednje agresije na Bosnu i Hercegovinu.

I doista, bila je to večer za pamćenje. Prvo je Gospodin Pobrić pojasnio razloge i ciljeve osnivanja institucije *Fondacija sevdaha Omera Pobrića*. Glavni cilj je istrgnuti iz zaborava svu ljepotu i vrijednost sevdalinke koju su stoljećima njegovali Bošnjakinje i Bošnjaci te je sačuvati za buduće generacije Bošnjaka. Po jednoj verziji, sevdalinku kao vrstu pjesničkog izričaja Bošnjacima su najvjerojatnije donijeli španjolski Židovi koji su izbjegli u Bosnu ispred strahota kršćanske inkvizicije. Druga, raširenija verzija glasi da je sevdalinka nastala osmanskim osvajanjem srednjovjekovne Bosne kada se formiraju prva gradska naselja. U mahalama, koje su bile namijenjene isključivo za stanovanje i gdje su kuće bile ograđene visokim zidovima, veoma se poštovala privatnost. Kuće su se djelile na ženski dio tzv. haremluk i muški dio tzv. selamluk. Stoga su žene bile zaštićene od radoznalih muških pogleda, pa se tako razvio mnogo intimniji način života od onoga na selu. Kuće su također imale i bašče i avlije sa mnogo različitog cvijeća, a neke i šadrwane. Kult vode, koji je bio veoma raširen u Bosni i Hercegovini, nastanak mahala i razvoj intimnog načina života uvjetovali su nastanak i razvoj sevdalinke. Kasnije tokom bosanske povijesti nastajale su brojne sevdalinke, a, nažalost, mnoge od njih su zauvijek i izgubljene. Pobrić je u svojoj besjedi stavljao naglasak na najvažnije momente bosanske povijesti i opstanka Bošnjaka na ovim prostorima. Za svaku važniju fazu naše povijesti ispjevana je jedna ili više sevdalinki. Te sevdalinke su za zagrebačke džematilje izvodili profesionalci, suradnici spomenute Fondacije. Prisutne je posebno dojmila premijerno izvedena sevdalinka o

Hadži Loji i njegovom ustanku protiv austougarske okupacije Bosne 1878. godine. Da i Zagrepčani vole sevdah najbolje pokazuje podatak da su u najpoznatijoj koncertnoj dvorani u Hrvatskoj Vatroslav Lisinski u kratkom vremenskom periodu održana dva koncerta sevdalinki. Za oba koncerta tražila se karta više.

ODRŽANA OSMO IZVJEŠTAJNA SKUPŠTINA ISLAMSKE ZAJEDNICE U HRVATSKOJ

U amfiteatru Omladinskog kluba muslimana u Islamskom centru Zagreb, u subotu, 16.2.2008. godine, održana je Osmo izvještajna skupština Islamske zajednice u Hrvatskoj. Na njoj su svoja izvješća o radu i postignućima u protekloj godini podnijeli predsjednik Mešihata islamske zajednice u Hrvatskoj, zatim njegovi pomoćnici, glavni imami, predsjednici Izvršnih odbora te ravnatelj Medrese i Islamske gimnazije.

Donosimo nešto skraćena izvješća muftije Ševke ef. Omerbašića, zatim pomoćnika muftije za vjerska pitanja mr. Aziza ef. Hasanovića te zagrebačkog glavnog imama hfz. Aziza ef. Alilija.

Izješće predsjednika Mešihata islamske zajednice u Hrvatskoj muftije Ševke ef. Omerbašića

Temeljem članka 69. točke 31. Statuta Islamske zajednice u Hrvatskoj, godišnja Izvještajna skupština Islamske zajednice u Hrvatskoj postala je obvezom Mešihata i izvršnih odbora. Današnja godišnja skupština je osma po redu, pa je to dobar vremenski period da ocijenimo da li one polučuju namjeravane rezultate. Meni se osobno čini da su dosadašnji skupovi opravdali naše namjere. Očekujem i od Vas da date ocjenu dosadašnjih skupština i ukažete na eventualne nedostatke.

Prije manje od godine dana održali smo sedmu Izvještajnu skupštinu sa koje smo otposlali nekoliko važnih preporuka organima Islamske zajednice. Prije svega preporučeno je organima IZ da se u narednoj godini učini sve da se dostignu standardi iz međunarodnoga standarda ISSO 9001. Očekujem od Vas svih da se na ovo pitanje osvrnete. Već početkom trećega mjeseca QI tim kreće na teren kako bi ustanovio dokle se stiglo u dostizanju tog standarda. Odmah nakon vizitacije pozvat ćemo certifikante iz Njemačke na certificiranje. Oni Medžlisi koji ne budu dostigli zahtijevanu razinu, neće se moći uklopiti u sustav Islamske zajednice, čime povlače ozbiljne posljedice za sobom. Već godinu dana naglašavamo da više neće biti odgađanja. Nažalost, mogu reći da neki odbori nisu dostavili financijska dokumenta do zadanog roka i morali smo ih posebno obraditi za današnji skup. Sve to govori o krajnje neodgovornom odnosu pojedinaca prema Islamskoj zajednici. Takav se postupak ne može ničim opravdati.

Na prošlogodišnjoj Skupštini predloženo je da se u granicama Mešihatovih mogućnosti povećaju plaće, što je Mešihat i učinio. Iz izvješća Aziza ef. Hasanovića vidjeti ćete kolika su primanja imama i muallima. Mogu slobodno iznijeti činjenicu da su plaće naših imama i muallima veće nego u BiH i državama u okruženju. Primanja imama

mogla bi biti i veća ako u radu pokažemo više rezultata i htijenja. S druge strane mi na veliku žalost i dalje imamo mesdžide u kojima se klanjaju samo džume i po neki namaz. Mešihat je prošle godine isplatio za plaće, penziona, zdravstveno i treći stupanj osiguranja za imame 1,575.902,80 kuna. Najveća stavka u rashodima su plaće i prirezi. Svi imami primaju plaće iz dva ili više izvora što ih obvezuje da rade više od svog radnog vremena.

Na prošloj Skupštini smo zaključili da se poradi na povećanju broja vjeroučenika. Iz izvješća Aziza ef. Hasanovića vidjeti ćemo da se to povećanje i dogodilo, posebno u školskom vjeronauku i to za 846 polaznika. Ukupno u školama smo imali 2988 vjeroučenika. Naročito zamjetno povećanje polaznika vjeronauka bilo je u Splitu, gdje je s 22 vjeroučenika povećano na 92. Povećanja broja bilo je i u Rijeci i drugim medžlisima, koje ćete nadam se iznijeti u svojim izlaganjima. Razgovarali smo i o smetnjama na vjeronauku i nesporazumima koji nastaju na tom polju. Također očekujemo da i o njima vi glavni imami i imami govorite i na ovoj Skupštini. Ono što je zabrinjavajuće u dijelu izvješća o vjeronauku, jeste opadanje broja vjeroučenika na vjeronauku u mesdžidima za cijelih 334 polaznika. Razlog tom padu ne znamo, pa zato očekujemo odgovor. Mešihat za slijedeću školsku godinu priprema odvojene udžbenike za sve razrede osnovne škole, kao i jedinstven udžbenik za sve razrede srednje škole. Ti će udžbenici biti ilustrirani fotografijama i crtežima i drugim prigodnim ilustracijama. Ljetni seminar za imame i muallime tretirat će ponajviše naše vjeronaučne udžbenike i metode vjeronauka.

Odnos Islamske zajednice prema Medresi i Islamskoj gimnaziji također je pitanje koje moramo raspraviti na ovoj Skupštini. Na nedavno održanoj sjednici školskog Odbora konstatirano je da su glavni imami, imami i muallime podbacili u promidžbi upisa djece u prvi razred Gimnazije. U prvi razred upisano je svega 14 učenika i učenica, od kojih se jedan ispisao i sada ih je ostalo svega 13. Nema nikoga iz onih Medžlisa koji su do sada davali i po nekoliko učenika. Tako na primjer nema nikoga iz Pule i Siska. Što je tomu razlog tek trebamo čuti iz Vaših izvješća. Islamsku gimnaziju osnovali smo kako bi razinu našeg obrazovanja digli na višu razinu i kako bi budućim učenicama i učenicima osigurali mogućnost da uz opće obrazovanje steknu i islamsko kroz četiri predmeta:

1. Vjeronauk po posebnom programu koji obuhvaća četiri vjerska predmeta,
2. Kur'an i njegove znanosti,
3. Islamska civilizacija,
4. Arapski jezik.

Izvršni odbori, a posebice glavni imami, ubuduće će imati obvezu u svim osmim razredima osnovne škole promicati upis u islamsku gimnaziju.

Prošle godine govorili smo i Vašem osobnom obrazovanju i doškolovanju, u smislu zahtjeva kako Vaših profesija, tako i ustanova u kojima predajete vjeronauk. Još uvijek deset imama i četiri muallime imaju obvezu doškolovati se. Mešihat je prošle godine odobrio 437 radnih dana imamima i muallimama koji su odlazili na polaganje ispita uglavnom u Bihać, Zenicu, Mostar i Sarajevo. Proces Vaše dokvalifikacije traje vrlo sporo i odužio se u nedogled. Stoga Vas pozivamo da taj proces ubrzate, jer u

protivnom onima koji troše radne dane preko mjere više nećemo moći odobravati slobodne dane, nego će morati polagati ispite na svoj trošak.

Kod nekih imama kao da je odgovornost prema radnom mjestu izgubila na značaju. Kao što znate prošle smo godine morali posegnuti za raskidom suradnje s dvojicom imama. Bilo je niz sukoba i neposluha prema šerijatu i imamskoj obvezi, a i prema propisima Islamske zajednice.

Iz priloženih financijskih izvješća vidljivo je da se i tu stanje unekoliko popravilo. Odbori su postali svjesniji svojih zadataka i obveza. Ima međutim mišljenja da izvršni odbori imaju velike ovlasti a malu odgovornost. Kada je Mešihat nedavno donio odluku da se imamima za potrebe vjeronauka kupe prijenosni kompjutori, jedan broj Odbora tu odluku nije sproveo, iako znadu da je vjeronauk najvažniji zadatak cijele Islamske zajednice. Nažalost neki to ne shvaćaju i prioritete traže u drugim aktivnostima. Pozivam sve predsjednike da tu odluku Mešihata odmah izvrše i omogućće imamima da na vjeronauku polučuju zadate rezultate. Još jednom naglašavam da sredstva od zekata i fitara koja ostaju u odborima, mogu se upotrijebiti samo na razvoju vjeronauka.

Članstvo islamske zajednice jedno je od pitanja kome predsjednici i članovi izvršnih odbora moraju posvetiti najveću pažnju. Na području Hrvatske prema izvješćima medžlisa ima ukupno 6.607 obitelji članova IZ. To je u odnosu na prošlu godinu povećanje za 1069 novih članova. Godine 2006. bilo ih je 5.538. Ono što zabrinjava i o čemu se predsjednici izvršnih odbora danas trebaju oglasiti jeste veli broj neredovnih i onih koji nikako ne plaćaju članarinu. Broj onih koji nisu platili članarinu do tri godine je 1296, a preko tri godine 1990, a to je skoro tri i pol tisuće. Od članarine izvršni odbori inkasirali 1.535.701 kunu. Prema tomu 6607 članova prosječno je platilo 232 kune članarine.

I u akciji zekata i fitara polučeni su bolji rezultati od prethodnih godina. Međutim oni su još nezadovoljavajući ako želimo zadovoljiti naše najminimalnije potrebe obrazovnih ustanova. Naša gimnazija i Medresa nemaju osnovnih uvjeta i pomagala za rad. Našoj gimnaziji potreban je kabinet fizike, kemije i biologije i da nije plemenitih donatora iz naših sredstava ne bismo mogli osigurati iste. Pogledajmo samo uvjete pod kojima se odvija vjeronauk i pomagala pomoću kojih bi djeca brže svladavala nauku svoje vjere, pa ćete vidjeti da treba uložiti maksimalne napore da poboljšamo fond zekata i fitara. Osobno sam se uvjerio da imami o zekatu nemaju dovoljno znanja. Zato će tijekom ljetnog seminara morati obnoviti neke informacije u vezi s tim i napraviti strategiju jedinstvenog nastupa u ovoj akciji.

Iz izvješća ste vidjeli da Islamska zajednica u Hrvatskoj raspolaže sa 15.583 m² mesdžidskog, poslovnog i stambenog prostora. Najmanje je mektebskog prostora, a njega je svega 1647 m². Zanimljivo je da ima više uredskog od stambenog prostora. Sve su to nedostaci koje treba ispraviti.

Prošle godine obavljene su 269 dženaza, ali je bez dženaze ukopano 44 umrlih muslimana i muslimanki. To je zastrašujući podatak, koje nas sve treba duboko zamisliti. S druge strane nisam čuo sa minbere za vrijeme džumenamaza da je i jedan imam govorio o tomu što znači za muslimana otići na onaj svijet bez dženaze, ili ga kremirani, ali se zato čuje hutbi koje nemaju nikakve veze sa stvarnošću u kojoj živimo.

Još je više zabrinjavajuća činjenica da među muslimanima u Hrvatskoj više umire nego se rađa. Kako tom problemu prići i početi ga rješavati, očekujemo odgovor na ovoj Skupštini.

Očekujemo od Vas štovani imami, muallime, predsjednici izvršnih odbora i svi koji ste članovi organa Islamske zajednice ili zaposleni u njoj da dadete sve od sebe za bolji uspjeh Islamske zajednice. Neki pomaci su, kao što vidite, učinjeni ali nisu dovoljni da bismo bili bezbrižni.

Mr.sc. Aziz ef. Hasanović

OBJEDINJENO IZVJEŠĆE O VJERSKO-PROSVJETNIM I DRUGIM AKTIVNOSTIMA

Mešihata Islamske zajednice u Hrvatskoj za 2007./1428. godinu

1. SVRHA I CILJ IZVJEŠĆA

Ovim Izvješćem se želi objediniti i sagledati cjelokupna aktivnost Mešihata Islamske zajednice u Hrvatskoj za 2007./1428. godinu s ciljem svestrane analize i poboljšanja kvalitete rada.

2. PODRUČJE PRIMJENE

Obuhvata 13 medžlisa Islamske zajednice u Hrvatskoj.

3. VEZA SA DRUGIM DOKUMENTIMA

- Poseban upitnik i nupatak Mešihata IZH broj 1328/07-1428 upućen svima na koje se odnosi,
- Pristigla izvješća od 13 medžlisa IZH.

4. PROCESI PROMATRANJA

4.1. Glavni procesi Islamske zajednice u Hrvatskoj: vjeronauk školski i mektebski, vjerske aktivnosti i usluge, kulturna događanja, interna i eksterna komunikacija, osobni podaci imama, muallima i vjeroučitelja/ca.

STATISTIČKI PODACI

Medžlis	Broj članova	Platili 2007.	Nije platilo. do 3 g.	Nije platilo. preko 3 g.	Socijalni kartoni
Dubrovnik	550	350	13	77	3.2%/18
Split	160	117	5	7	0
Rijeka	1058	472	151	64	0
Pula	503	441	112	260	0,5 %/3
Poreč	130	98	8	5	0
Umag	150	102	46	0	2%/3
Labin	303	202	70	30	0,33%/1
Sisak	427	322	0	136	2,34%/10
Zagreb	2847	1130	783	934	0,17%/5
Varaždin	50	35	0	0	0
Sl. Brod	80	71	12	5	0
Osijek	199	126	46	55	2,5 %/5
Gunja	200	175	50	100	0
Ukupno	6607	3701	1296	1999	0,68%/45

STRUKTURA USLUGA

Medžlis	Rođeni	Akike	Dženaze	Bez dženaze	Hadž 2007.	Ukupno hadž	Učenika u M IIG
Dubrovnik	7	11	21	1	0	7	0
Split	2	2	14	3	1	7	0
Rijeka	15	5	40	7	2	36	2+1
Pula	19	3	26	2	5	15	1
Poreč	3	3	2	2	2	10	1
Umag	1	1	5	0	0	3	0
Labin	6	2	5	2	0	3	1
Sisak	17	1	25	0	1	10	3
Zagreb	165	19	96	25	18	500	31
Varaždin	0	0	3	0	0	1	1
Sl. Brod	5	1	11	2	0	7	0
Osijek	2	0	6	0	1	8	1
Gunja	7	7	15	0	0	17	0
Ukupno	249	55	269	44	30	624	42

Umrlih muslimana u 2007. godini je 313 a u 2006. je 283 što je povećanje za 30 umrlih, 9,5%.

Razlika između broja rođenih i umrlih za 2007. godinu je 64 umrlih više. Procentualno je to 20%. U odnosu na državnu statistiku muslimani zauzimaju 3,47% a broj muslimana je 1,8% što je razlika za 1,6%

PREGLED OBAVLJENIH NAMAZA

Poredeći u odnosu na prošlu godinu stanje je slijedeće:

- sabah namaz povećanje za 10 klanjača,
- podne namaz povećanje za 8 klanjača,
- ikindija namaz povećanje za 11 klanjača,
- akšam namaz povećanje za 7 klanjača,
- jacija namaz povećanje za 1 klanjača,
- džuma namaz umanjeње za 328 klanjača,
- bajram namazi umanjeње za 818 klanjača,
- teravija namaz umanjeње za 290 klanjača.

ŠKOLSKI VJERONAUČ

OSNOVNE ŠKOLE

MEDŽ	Ukupno	1.R	2.R	3.R	4.R	5.R	6.R	7.R	8.R
DUBROVNIK	110	5	13	10	17	23	13	14	15
SPLIT	67	12	10	9	9	10	10	4	3
RIJEKA	481	60	55	70	57	67	54	55	63
PULA	216	26	25	28	26	27	27	31	26
POREČ	50	3	3	10	3	7	5	10	9
UMAG	41	2	8	3	6	5	7	5	5
LABIN	100	21	14	15	12	14	8	11	5
SISAK	105	6	12	13	12	13	15	21	13
ZAGREB	1153	123	147	157	168	165	152	132	109
VARAŽDIN	-	-	-	-	-	-	-	-	-
SL. BROD	59	4	7	11	7	10	7	10	3
GUNJA	202	26	17	22	27	24	30	30	26
OSIJEK	54	6	5	7	9	11	6	3	6
UKUPNO	2638	294	316	355	341	376	331	326	283

SREDNJE ŠKOLE

MEDŽ	1.R.S.	2.R.S.	3.R.S.	4.R.S.	UKUPNO
DUBROVNIK	5	5	-	-	10
SPLIT	6	-	5	2	13
RIJEKA	31	16	13	4	64
PULA	25	20	21	20	86
POREČ	4	1	-	1	6
UMAG	-	-	-	-	-
LABIN	7	4	3	0	14
SISAK	2	2	0	0	4
ZAGREB	45	40	35	25	145
VARAŽDIN	-	-	-	-	-
SL. BROD	2	-	-	-	2
GUNJA	-	-	-	-	-
OSIJEK	3	2	1	0	6
UKUPNO	130	90	78	52	350

UKUPAN BROJ POLAZNIKA

OSNOVNE ŠKOLE	SREDNJE ŠKOLE	UKUPNO
2638	350	2988 POLAZNIKA

U usporedbi s prošlom godinom stanje se popravilo za 846 polaznika što je 28,3 %.

MEKTEBSKI VJERONAUČ

MEDŽLIS	ODRASLI	KUR'AN P.	UKUPNO POLAZNIKA	MUŠKI	ŽENSKI
DUBROVNIK	15	17	51	65	55
SPLIT	1	6	46	44	49
RIJEKA	4	8	219	330	219
PULA	-	6	75	141	151
POREČ	1	14	21	-	-
UMAG	2	2	24	31	11
LABIN	0	4	39	54	60
SISAK	0	9	67	50	55
ZAGREB	32	141	658	748	550
VARAŽDIN	10	17	23	-	-
SL. BROD	4	2	70	-	-
GUNJA	17	13	50	-	-
OSIJEK	7	15	21	28	25
UKUPNO	93	254	1364	1491	1175

Iz prethodno evidentiranih podataka vidljivo je slijedeće:

- veći broj muških polaznika za 316
- ukupan broj polaznika školskog i mektebskog vjeronauka je 4352

- u usporedbi s 2006. godinom povećanje je za 622 polaznika u odnosu na ukupan broj
- s druge strane vidljivo je smanjenje mektebskog vjeronauka za 334 polaznika što je 24, 48% manje.
- na jednog vjeroučitelja dolazi 101 vjeroučenik.

	2006.		2007.
ŠKOLSKI VJERONAUKE	2032	ŠKOLSKI VJERONAUKE	2988
MEKTEBSKI VJERONAUKE	1698	MEKTEBSKI VJERONAUKE	1364
UKUPNO	3730	UKUPNO	4352

Tabelarni pregled jasno upućuje:

- redovnost pohađanja u školama je 87.61%
- redovnost pohađanja u mektebima je 71.3%
- ukupan broj osnovnih škola u kojima se izvodi vjeronauka je 119 što predstavlja povećanje u odnosu na prošlu godinu za 11 škola, a što iznosi povećanje od 9.24%
- broj srednjih škola u kojima se izvodi vjeronauka je 32 što je povećanje za 13 škola, što je povećanje za 40.6%
- ukupan broj održanih sati u školama je 15 840 što je prosječno po izvršitelju 368 sati u školskoj godini
- ukupan broj održanih sati u mektebima 8100 sati što je po izvršitelju 188 sati

PODACI O IMOVINI ISLAMSKJE ZAJEDNICE

Tabelarni pregled infrastrukture Islamske zajednice sa pregledom uvjeta za rad slijedi:

- molitvenog prostora koristi Islamska zajednica 2318 kvadrata od toga je 1917 kvadrata vlasništvo Islamske zajednice. 356 kvadrata u Splitu i 45 kvadrata u Umagu je vlasništvo gradova.
- Kancelarije i njihova opremljenost je na visokoj razini osim u Poreču gdje nemamo ured.
- 663 kvadratna metra stambenog prostora omogućio je da je većina djelatnika smještena u službene stanove Islamske zajednice. Izuzetak čine: Almedina i Hajrudin Mujkanović iz Rijeke, Hidajet i Meliha Hasanović iz Rijeke, Ismet ef. Ibiš iz Poreča, Elmedin ef. Posavljak iz Umaga, Mersad ef. Krešić iz Zagreba
- Mektebski prostori su na razini suvremeno opremljenih prostorija sa kompjuterskom opremom gotovo u svim mesdžidima.
- 15583 kvadratna metra čini stambeni i poslovni dio vlasništva Islamske zajednice. Ovdje nisu prikazani podaci o zemljišnom vlasništvu. Tako imamo 25000 metara kvadratnih u Sisku, 50000 metara kvadratnih u Gunji, 1600 metara kvadratnih u Umagu, 5000 metara kvadratnih u Bogovolji, 3000 kvadratnih metara u Maljevcu, 4000 kvadratnih metara za izgradnju Islamskog centra u Rijeci.

STATUS UPOSLENIKA

Ukupni broj zaposlenika u IZ je 42 i 2 umirovljenika. Od ovog broja 14 djelatnika su uposlenici Ministarstva znanosti, obrazovanja i športa, što je 33.3%. Ministarstvo izdvaja na ime plaća mjesečno 42 965 kuna, što godišnje

iznosi 515 580 kuna. Ako tome dodamo mirovinsko i zdravstveno osiguranje brojka je mnogo veća.

Po ugovoru o djelu honorari uposlenika IZ-e ostvaruju se u iznosu od 20 789 kn.

IZVJEŠĆE GLAVNOG IMAMA ZAGREBAČKOG HAFIZA AZIZ EF. ALILIJA

Cijenjeni muftija, poštovani članovi Sabora, Mešihata, IOM-a, uvažene kolegice i kolege, esselamu alejkum!

U opširnom izvješću upućenom Mešihatu, kao i u prilogu ovog, izneseni su detaljni, statistički podaci vezani za djelovanje MIZ-e Zagreb u protekloj godini, a ja vam u nastavku, zbog ograničenosti vremenom, donosim sažetak tog izvješća. Protekla 2007. godina bila je od Rijasetu proglašena godinom mekteba, a jasna poruka koju dobijemo nakon svake Izvještajne skupštine jeste nužnost afirmiranja i poboljšanje kvalitete školskog i mektepskog vjeronauka. Stoga i započinjem izvješće s osvrtom na isti.

U 2007./2008. školskoj godini vjeronauka se predaje u novih 11 škola. Tako je na području našega Medžlisa, islamskim vjeronaukom obuhvaćeno 59 osnovnih škola. Iako je u našem Centru već godinama organiziran vjeronauka za srednjoškolce, posebnim uspjehom smatramo ulazak vjeroučitelja u 4 srednjoškolska centra. Ukupan broj vjeroučenika je 1492, što znači za 117 učenika više nego prethodne školske godine! Ovoliki porast učenika je zbog povećanja učenika u Karlovcu, prvašića u školama i mektebu i polaznika vjeronauka tek upisanih u 7 osnovnih i 4 srednje škole. Dopustite mi da se nadalje osvrnem na najznačajnije vjersko-prosvjetno-kulturne djelatnosti u našem Medžlisu, s napomenom da je to samo dio ukupnih aktivnosti, koje eto, po nekom mom slobodnom izboru, bivaju zabilježene u ovom sažetku!

- Polaznici vjeronauka učestvovali su u obilježavanju Nove hidžretske godine, rođenja Muhammed a.s., i programa za Lejlei-Bedr;
- Organiziran je nagradni literarni natječaj za učenike vjeronauka u svrhu razvijanja osjećaja vjerskih i nacionalnih vrijednosti, ali i u cilju materijalne pomoći vjeroučenika;
- Održan kviz znanja vjeroučenika; održane prve sportske mektepske igre; hatma-dove i završna mektepska svečanost – sa promocijom 41-og hatmaša; održane prve hatme u Maljevcu; održan seminar za vjeroučitelje islamskog vjeronauka, 42 djece Maljevca i Bogovolje je u organizaciji IZ-e i Caritasa ljevalo u Rovinju, a posjetili su i mesdžid u Puli;
- Izlet polaznika vjeronauka u Sarajevo i na Plitvice, natječaj za memoriranje Amme džuzua, u cilju poticanja djece na druženje s Kur'anom – 3 polaznika su ga memorirala.

TRIBINE I PREDAVANJA

Pored tefsirskih tribina subotom za džematlije i ponedjeljkom za omladinu, protekle godine je održano 17 tradicionalnih tribina Dr Sulejman Mašović, kao i brojna prigodna predavanja. Izdvajam sljedeće:

- Islam u Bošnjaka i Bošnjaci u Arapskim izvorima
- Promocija sabranih djela Huseina Đoze

- Promocija knjige Muslimani u Zagrebu 1878.-1945.- doba utemeljenja, nakon čega su uslijedile promocije u Zenici, Tuzli, Čeliću, Tešnju;
- predavanje o počecima ljudskog stvaranja;
- brojne promocije zbirki pjesama, a među njima i Kristala Afganistana
- Tribina posvećena literarnim radovima mekteblija i brojne druge!

GOSTOVANJA

Islamski centar protekle godine bilježi ukupno 83 posjete. Od toga se 35 posjeta odnosi na učenike osnovnih i srednjih škola, zajedno sa njihovim profesorima, što je ukupno 2200 posjetitelja. Ovdje svakako naglašavam angažiranost dežurnih imama, ali ponajviše muallima, koje su strpljivo, savjesno i odgovorno prihvatale posjetitelje!

Ostale posjete se odnose na ugledne pojedince, profesore i diplomate, te posjete organiziranih džemata iz BiH, Hrvatske, Kosova, Slovenije, Austrije i Njemačke.

Posebno izdvajam posjete žena Srebrenice, Kuvajtske delegacije, kao i posjete turskih i iranskih parlamentaraca.

Svi imami i muallime su, bez izuzetka, bili u neposrednoj komunikaciji sa drugim džematima, centrima i sl. Tako se u 2007. godini bilježi 105 posjeta različitim ustanovama, institucijama, kao i prisustvo brojnim jubilejima i događajima. Imami su više puta posjetili odgojne zavode, kazionice, prisustvovali brojnim prijemima, tribinama i konferencijama.

Muallime su reprezentativno predstavljale svoju zajednicu u Židovskom vrtiću, na Konferenciji o suživotu u Beču, kao i u džematima Ljubljane, Brisela i Luksemburga.

RAD SA ŽENAMA

Organiziran je Kviz za žene iz oblasti islama; Obnovljen je rad Vijeća žena;

SVEČANOSTI I KULTURNE DJELATNOSTI

Priznanje IZ-a u Zagrebu za poseban način izražavanja želje za suživotom iskazanom tijekom susreta mladih vjernika u Zagrebu u organizaciji Teizea;

Održan simpozij povodom 20 godina radnog otvorenja džamije;

Održano 14. europsko natjecanje u učenju Kur'ana Organizacija ramazanskog programa (teravije, dječiji vrtić, mukabele, predavanja, zikr, mevludi, iftari, itikaf, priprema i reproduciranje brošure o zekatu i sadekату-l-fitru)

Održana Osnivačka skupština Karlovačkog džemata; Svečano otvoreni mesdžidi u džematima Bogovolja i Karlovac;

Svečanost povodom hidžretske godine i izložba slika u Bogovolji;

Snimljen dokumentarac o Arabeskama

Učestvovanje Arabeski i gl. imama na manifestaciji Moj ummete;

Gostovanja na večerima Kur'ana u Ljubljani, Gnjlavcu i Kaknju.

OMLADINA

Održana 2. Konferencija muslimanske mladeži Hrvatske, pri čemu su važnu ulogu imali naši imami; pokretanje web

stranice, rad brojnih sekcija, »Da se nikad ne zaboravi« - konvoj mladih u Srebrenicu, sijelo u orijentalnom stilu, roštiljada na Bundeku; izložba radova kreativne radionice, a prikupljena sredstva iskorištena u humanitarnu svrhu; organizirano dobrovoljno darivanje krvi u IC, kojem su se odazvali i neki imami, organiziranje iftara i posjeta drugim džematima.

NOVINSKI ČLANCI, RADIO I TV-e emisije/prilozi

U 2007. godini od strane imama i muallima je u raznim tiskanim medijima objavljeno 13 novinskih članaka. Bilježimo 11 gostovanja ili priloga na radiju, a 30 priloga ili gostovanja na televiziji, od toga 15 na HTV-u. U 2007. god. održane su 52 hutbe.

Broj mevluda – 12

Broj tevhida – 98

Broj rođenih u Zagrebu – 165

Broj akika – 19

Broj vjenčanih – 29

Broj umrlih – 121

Broj dženaza – 96

Prosječan broj klanjača na džumi – 650

Prosječan broj klanjača na dnevnim namazima – 30

Prosječan broj klanjača na teravijama - 919

Prosječan broj klanjača na Bajram-namazima – 4500.

Zahvaljujući muftiji koji je ustrajno kroz sate Da've razvijao svijest učenika o nužnosti vođenja statističkih podataka i koji koristi svaku prigodu da naglasi značaj takvih evidencija, mi možemo iznositi ove podatke kao relevantne pokazatelje statistike vezane za vjerske aktivnosti i možemo ih porediti sa onim od prije godinu, dvije ili tri. Poštovani,

Kako su imami i muallime glavni nositelji vjersko-prosvjetnog procesa u našoj Zajednici, a kako je primarni zadatak svakog vjeroučitelja vjeronauk, dužnost mi je reć i sljedeće:

Imami i muallime našeg Medžlisa su, kao što se može vidjeti, gotovo potpuno na raspolaganju IZ-i, ako se uzme u obzir da istovremeno obavljaju više poslova. Od svih se traži apsolutna predanost poslu. Pri tome često trpi obitelj, ali i jedan od poslova koji se obavlja. Moja želja je i apel s ove Izvještajne skupštine da ne dopustiti da vjeronauk trpi!

Činjenica je da svaki muallim i muallima trebaju činiti sve, pa čak bih rekao nerijetko ulagati i nadljudske napore, kako bi djeci ponudili najviše od vjere! Napominjem da je to moguće onda kada muallim voli svoj posao, kada se savjesno odnosi prema njemu, stalno se usavršava, prati suvremene nastavne procese i pokušava ih prilagoditi nastavi islamskog vjeronauka. To je moguće i onda kada muallim počne pristupati djeci kao vlastitoj, svjestan da će biti odgovoran za njih. Stoga bih danas podcrtao nužnost otvaranja rasprave o kvaliteti našeg vjeronauka! Završit ću prisjećanjem na prvonagrađeni sastavak na već spomenutom literarnom natjecanju. Tekstom pod naslovom Ja sam ambasador islama, učenica 6. razreda otkriva kakvu i koliko ulogu ona ima u kršćanskoj sredini i koliko joj njezino znanje o islamu pomaže da rasprši predrasude svoje okoline! Iz riječi te djevojčice možemo mnogo naučiti, a promislimo li dublje o njima, svatko od nas može

preispitati sebe! Da li olahko iz tjedna u tjedan prihvatamo dječicu i da li ih olahko ispuštamo iz naših ruku! Ili od njih pravimo prave ambasadore islama?!

DŽENAZA ABDULAHU EF. SREBRENIKOVIĆU

Zagrebački džemat je na Ahiret ispratio još jednog alima. U srijedu, 20. 02. 2008. godine, na zagrebačkom groblju Miroševac klanjana je dženaza namaz Abdulahu ef. Srebrenikoviću, imamu u mirovini. Dženazu namaz je predvodio glavni zagrebački imam hafiz Aziz ef. Alili, koji se poslije klanjanja i obratio prisutnima. Nakon njega o rahmetliji je govorio i pomoćnik muftije za vjerska pitanja mr. Aziz ef. Hasanović. Njihova obraćanj donosimo u nešto skraćenoj verziji. Dženazi je prisustvovao velik broj džematlija među kojima je bilo i 20 imama iz cijele Hrvatske.

Hafiz Aziz ef. Alili je rekao: “Mi danas svjedočimo da se Abdullah ef. Srebreniković u svom ovozemaljskom životu trudio da dobro pobjeđuje zlo, da ljubav pobjeđuje mržnju, da ljudsko pobjeđuje neljudsko. Teško se danas, privremeno rastati, s vjerničkom dušom koja je svojom dobrotom i širinom plijenila svakog čovjeka. Njegova dobrota, plemenitost, širokogrudnost, ali ponajviše ljubav prema islamu i muslimanima, trajno je utkana u brojne džemate širom Bosne i Hercegovine, od Olova, preko Duvna, pa do Prijedora u kojem je kao glavni imam, nakon 40 godina služenja svojoj vjeri i narodu, penzionisan. Skroman i tih, toplinom svoje riječi blažio je srca svoga džemata, a blagošću svoje duše osvajao ljude. Odlazak u penziju nije značio i prestanak njegovog imamsko-mualimskog djelovanja. Sredinom osamdesetih godina bio je izuzetno aktivan u našem Zagrebačkom džematu. Klanjao je vaktove, učio djecu u mektebu, a posebno je bio angažiran tijekom ramazana klanjajući teravije i učeći mukabele. Osobito je njegovao lijepo i tečno učenje Kur’ana. Trebalo ga je samo promatrati s koliko pobožnosti, skrušeno i pažljivo sluša Kur’an, a s kolikom zanesenošću u ga i sam uči; lijepim, melodičnim glasom i prepoznatljivim - njemu svojstvenim turskim mekamom. Pažljivi promatrači su mogli primjetiti kako Abdullah ef. nerijetko Kur’an uči napamet. Hafiz Abdullah, može na onome svijetu, biti ponosan na svog sina Abdullaha, kao što smo svi mi ponosni na njega na ovome svijetu.

Mr. sc. Aziz ef. Hasanović, pomoćnik predsjednika Mešihata za vjerska pitanja je rekao:

“Svako od nas ima razloga da bude tužan ali istovremeno i ponosan. Djeca i unučad imaju razloga da žale za ocem i djedom s druge strane toliko je toga što ih mora činiti ponosnim na svoga oca i djeda Abdullah ef. Njegovi prijatelji i poznanici imaju razloga da danas budu žalosni jer gube istinskog sugovornika koji je mogao i htjeo razgovarati o svim pitanjima života koristeći pri tome svoje teološko znanje i veliku želju da ga drugima prenese. Svatko od prisutnih danas ovdje bi sa najboljim riječima mogao govoriti o bogatom, plemenitom i plodonosnom životu Abdullah ef. Srebrenikovića. Smatram to vlastitom privilegijom da ovom prigodom mogu u ime Mešihata Islamske zajednice u Hrvatskoj iskazati sućut obitelji Srebreniković i da mogu u ovom trenutku sve nas podsjetiti da nas čeka neznani dan smrti u kojem se ostavlja ova

zemlja i sve što je na njoj i rodbina i blago i moć i vlast i ugled a pred Allaha se nose samo dobra učinjena djela ljubavi radi Allaha dž.š. Svevišnji će nas prema tome nagrađivati. Svijest o trenutku smrti i njegovoj blizini svi moramo imati skladno riječima “svi smo mrtvi samo se redom kopamo”. Takvu svijest imao je, prenosio je, za nju pripremao se naš Abdullah ef. Ponosno noseći ahmediju cijeli svoj vijek promicao je islam kao najveću vrijednost čovječanstva. Činio je to u najtežim vremenima za takvu vrstu misije. Osobno za ime Abdullah ef. Srebrenikovića čuo sam 1975 godine kada se po prvi put na ovim prostorima pojavilo na bosanskom jeziku prijevod Sahihul Buhari u tri toma. Abdulah ef. Srebreniković kao vjersko-prosvjetni referentu ili glavni imam Odbora Prijedor priključuje se timu Hasan ef. Škapura, Sulejmana Henića i Ibrahima Mašića i izdaju prijevod Sahihu-1-Buhari u tri toma, stavljajući svoja puna imena i prezimena a time i “glavu u torbu”. Tadašnje Starješinstvo Islamske zajednice u SFRJ 30. ožujka 1974. daje pismenu suglasnost tom projektu i tom timu. Recenzent je bio Husejn ef. Đozo. U jednom od svojih govora on kaže:

“Zahvaljujući upornosti Hasan ef. Skapura i spletu sretnih okolnosti da su se našli hrabri, dalekovidni i nepokolebljivi ljudi u Odboru Islamske zajednice Prijedor, mi danas imamo prijevod Buharije u tri toma”. Ove odlike nosi sobom Abdullah ef. kao čelni čovjek tadašnjeg Odbora IZ Prijedor. Hrabrost, dalekovidnost i nepokolebljivost za opće dobro utkane su u njegov život.

Dragi Abdullah ef.

Neka šehadet kojeg si izgovarao, kojeg si svojim životom svjedočio, kojeg si svojim radom na druge prenosio, poradi kojeg si žrtvu veliku činio, otvori ti dženetska vrata, približi te Allahovoj milosti, uvrstit te među dobre robove Božje i osigura ti stalni boravak u firdewsi džennetu. Tvojoj obitelji lijepi sabur - sabri džemil i stalno sjećanje na oca, djeda i pradjeda koji je zračio plemenitošću i dobrotom.”

DŽENAZA DR. FATIMI MAŠOVIĆ

Nakon što smo obilježili desetogodišnjicu smrti prof. dr. Sulejmana Mašovića, Allahovom odredbom na bolji svijet je ubrzo preselila i njegova supruga Dr. Fatima Mašović, rođena Karabeg. Dr. Fatima je kćerka poznatog mostarskog alima Rize Alija Karabega, prvog prevoditelja Kur’ana na Bosanski jezik. Dženaza namaz je klanjana u petak, 01. 02. 2008. godine na zagrebačkom groblju Mirogoj u prisustvu velikog broja džematlija. Zajedno sa svojim mužem Dr. Sulejmanom godinama je izgrađivala zagrebački džemat i doprinosila njegovoj afirmaciji na svim poljima, što je istakao i muftija Ševko ef. Omerbašić u svome obraćanju prisutnima nakon klanjanja dženaze namaza. Ostatak je i zpacnena kao utemeljiteljica islamske tribine u Tomašićevoj 12 davne 1961. godine, koja danas nosi ime po njenom mužu. Dr. Fatima nije samo bila poznata u zagrebačkom džematu nego i šire i to kao vrsna liječnica. O njezinom angažmanu u struci na dženazi je govorila Dr. Vera Maček. Ukopana je na mjestu gdje i njen suprug rahmetli profesor Sulejman Mašović. Neka im se Dragi Allah smiluje i uvede ih oboje u Džennet.

ZAGREBAČKA VAKTIJA

PRAYING TIMES FOR ZAGREB AREA

OŽUJAK / MARCH (III.) 2008. – SAFFER / REBI'UL-EWEL (II. i III.) 1429 H. G.

Kibla (smjer prema Mekki): 134° 32'

2008. M	Dani DAYS	1429. H	Napomene REMARKS	Zora DAWN	Izlazak sunca SUNRISE	Podne ZUHR	Ikindija 'ASR	Akšam MAGRIB	Jacija ISHA'
01	Su	23	Saffer 1429. h.g.	04:46	06:24	12:09	15:12	17:51	19:18
02	Ne	24		04:44	06:22	12:09	15:13	17:53	19:20
03	Po	25		04:42	06:20	12:09	15:14	17:54	19:21
04	Ut	26		04:40	06:18	12:09	15:15	17:56	19:23
05	Sr	27		04:38	06:16	12:08	15:16	17:57	19:24
06	Če	28		04:36	06:14	12:08	15:17	17:58	19:25
07	Pet	29	Džuma	04:34	06:12	12:08	15:18	18:00	19:27
08	Su	30		04:32	06:10	12:08	15:19	18:01	19:28
09	Ne	01	Rebi'ul-ewel 1429. h.g.	04:30	06:09	12:08	15:20	18:03	19:30
10	Po	02		04:27	06:07	12:07	15:20	18:04	19:31
11	Ut	03		04:25	06:05	12:07	15:21	18:05	19:33
12	Sr	04		04:23	06:03	12:07	15:22	18:06	19:34
13	Če	05		04:21	06:01	12:06	15:23	18:08	19:36
14	Pet	06	Džuma	04:19	05:59	12:06	15:24	18:09	19:37
15	Su	07		04:17	05:57	12:06	15:24	18:10	19:39
16	Ne	08		04:15	05:55	12:05	15:25	18:12	19:40
17	Po	09		04:13	05:53	12:05	15:26	18:13	19:42
18	Ut	10		04:11	05:51	12:05	15:27	18:14	19:43
19	Sr	11		04:09	05:50	12:05	15:28	18:16	19:45
20	Če	12	Mevlud Muhammeda, a.s.	04:06	05:48	12:04	15:28	18:17	19:46
21	Pet	13	Džuma	04:04	05:47	12:04	15:29	18:18	19:48
22	Su	14		04:02	05:45	12:04	15:30	18:19	19:49
23	Ne	15		04:00	05:44	12:03	15:30	18:21	19:51
24	Po	16		03:58	05:43	12:03	15:31	18:22	19:53
25	Ut	17		03:55	05:41	12:03	15:32	18:23	19:54
26	Sr	18		03:53	05:40	12:02	15:32	18:25	19:56
27	Če	19		03:51	05:38	12:02	15:33	18:26	19:57
28	Pet	20	Džuma	03:49	05:37	12:02	15:34	18:27	19:59
29	Su	21		03:47	05:36	12:02	15:35	18:29	20:01
Ljetno računanje vremena (1 h unaprijed)									
30	Ne	22		04:47	06:36	13:02	16:35	19:29	21:01
31	Po	23		04:47	06:36	13:02	16:35	19:29	21:01

U ljetnom periodu džuma-namazi će se klanjati u 13,15 minuta.

20. ožujka je Mevlud – rođenje poslanika Muhammeda, a.s. koji će biti obilježen posebnim programom.